

ZAKON O KANTONALNOM TUŽILAŠTVU TUZLANSKOG KANTONA

1. OPĆE ODREDBE

Član 1.

Kantonarno tužilaštvo (u daljem tekstu: Tužilaštvo) je samostalno državno tijelo koje, u okviru prava Tuzlanskog kantona (u daljem tekstu: Kanton) poduzima zakonom određene mjere u pogledu istražnih radnji i gonjenja osoba za koje se sumnja da su počinile krivična djela i privredne prestupe, te vrši druge poslove određene federalnim i kantonalnim zakonom.

Član 2.

Tužilaštvo vrši svoju funkciju u skladu sa Ustavom Bosne i Hercegovine, Ustavom federacije Bosne i Hercegovine i Ustavom Kantona, te na osnovu zakona Bosne i Hercegovine, Federacije i kantona.

Član 3.

U okviru svojih nadležnosti, Tužilaštvo štiti ostvarivanje ljudskih prava i građanskih sloboda koje garantira Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih lica utvrđenih zakonom, te osigurava ustavnost i zakonitost.

Član 4.

Tužilaštvo se osniva i ukida zakonom.

Član 5.

- (1) Funkciju Tužilaštva obavlja glavni kantonalni tužilac (u daljem tekstu : glavni tužilac) i zamjenici glavnog kantonalnog tužioca (u daljem tekstu : zamjenici glavnog tužioca) i kantonalni tužioci (u daljem tekstu: tužioci).
- (2) Glavnog tužioca, zamjenike glavnog tužioca i tužioce, bira i imenuje Visoko sudsko i tužilačko vijeće Federacije Bosne i Hercegovine (u daljem tekstu: Visoko sudsko i tužilačko vijeće).
- (3) Glavni tužilac ima najviše dva zamjenika. Broj zamjenika glavnog tužioca i broj tužilaca određuje Visoko sudsko i tužilačko vijeće.
- (4) Ako glavni tužilac ima dva zamjenika, Visoko sudsko i tužilačko vijeće, na prijedlog glavnog tužioca, imenuje jednog od dva zamjenika za prvog zamjenika glavnog tužioca.

Član 6.

- (1) Tužilaštvo predstavlja i vodi glavni tužilac
- (2) Zamjenici glavnog tužioca i tužioci obavljaju zadatke koje im povjerava glavni tužilac i za izvršenje tih zadataka odgovaraju glavnom tužiocu.
- (3) Zamjenici glavnog tužioca i tužioci mogu poduzimati sve mjere u postupku pred sudom ili organom vlasti, za čije oduzimanje glavni tužilac ima zakonsko ovlaštenje.

Član 7.

- (1) Mandat glavnog tužioca i zamjenika glavnog tužioca traje šest godina, nakon čeka mogu biti ponovo imenovani. Mandata prestaje u slučaju ostavke, navršenja starosne dobi propisane za odlazak u penziju po sili zakona sjenjivanja s dužnosti iz utvrđenih razloga. Po isteku mandata, glavni tužilac i zamjenik glavnog tužioca nastavljaju obavljati dužnosti tužioca.
- (2) Funkcija tužilaca je stalna. Njihov mandat prestaje u slučaju ostavke, navršenja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga.

Član 8.

Kantonalni kolegij tužilaca sastoji se od glavnog tužioca, zamjenika glavnog tužioca i tužilaca.

Član 9.,

- (1) Rad Tužilaštva nadzire glavni tužilac Federacije s ciljem osiguravanja zakonitosti i efikasnosti postupaka. Na zahtjev glavnog tužioca Federacije, glavni tužilac dostavlja izvještaje o pojedinim slučajevima, s detaljnim opisom mjera koje poduzima Tužilaštvo.
- (2) Glavni tužilac redovno, a najmanje jednom u šest mjeseci, Tužilaštvu Federacije podnosi izvještaj o stanju kriminaliteta i rješavanja slučajeva.

Član 10.

Tužilaštvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev, obavještavati Skupštinu Kantona, Vladu Kantona ili predsjednika, odnosno podpredsjednika Kantona o provođenju Krivičnog zakona u Kantonu i radu Tužilaštva.

Član 11.

- (1) Tužilaštvo može obavještavati javnost i odgovarajuće organe vlasti i organizacije, putem sredstava informisanja ili drugim putem, o stanju kriminaliteta u Kantonu.
- (2) U okviru djelokruga rada utvrđenog zakonom i u skladu sa interesima postupka, Tužilaštvo može obavještavati javnost o pojedinim slučajevima krivičnog gonjenja, ukoliko su te informacije od interesa za javnost. Prilikom obavještenja javnosti, Tužilaštvo se rukovodi interesima pravednosti, imajući na umu standarde navedene u članu 6.(1) Evropske konvencije o zaštiti ljudskih prava i osnovnih sloboda.

Član 13.

- (1) U Tužilaštvu u ravnopravnoj upotrebi su bosanski, hrvatski i srpski jezik.
- (2) Tužilaštvo može koristiti i ostale jezike kao sredstvo komunikacije.
- (3) U Tužilaštvu u ravnopravnoj upotrebi su latinično i ćirilčno pismo.

Član 14.

- (1) Kantonalni propisi o radnom odnosu radnika u organima shodno se primjenjuju i na zapošljavanje radnika u Tužilaštvu, ako ovim zakonom nije drugačije određeno.
- (2) Kantonalni propisi o državnoj upravi koji se odnose na rukovođenje i odgovornost funkcionera i njegovog zamjenika shodno se primjenjuju i na glavnog tužioca, njegovog zamjenika, odnosno zamjenike, te tužioce, ako ovim zakonom nije drukčije određeno.

Član 15.

- (1) Tužilaštvo ima pečat u skladu sa Zakonom o pečatu Kantona.
- (2) Na zgradi u kojoj je smješteno Tužilaštvo mora biti istaknut naziv Tužilaštva i grb Federacije Bosne i Hercegovine i Kantona.

II. OPĆE NADLEŽNOSTI I OVLAŠTENJA

Član 16.

Tužilaštvo vodi istragu i goni lica za koja sumnjada su počinioci krivičnih i privrednih prijestupa i vrši druge poslove određene zakonom.

Član 17.

- (1) Kad nađe da zbog povrede kantonalnog zakona ili međunarodnog ugovora postoje osnovni razlozi da upotrijebi pravno sredstvo protiv izvršene sudske odluke ili odluke donesene u upravnom ili drugom postupku, glavni tužilac može zahtijevati da se odloži, odnosno prekine izvršenje takve odluke, ako bi njenim izvršenjem mogle nastupiti neotklonjive štetne posljedice.
- (2) Ako glavni tužilac podnese zahtijev iz stava 1. ovog člana, odložiti će se, odnosno prekinut će se izvršenje odluke. Odlaganje, odnosno prekidanje izvršenja odluke traje do donošenja odluke o pravnom sredstvu glavnog tužioca.
- (3) Odluka o odlaganju, odnosno o prekidanju izvršenja, prestaje da važi i ako glavni tužilac u roku od 30 dana od dana prijema odluke ne upotrijebi pravno sredstvo.

Član 18.

- (1) U okviru svojih ovlaštenja iz člana 9. Zakona o Tužilaštvu Federacije, glavni tužilac Federacije može Tužilaštvu izdati opće ili pojedinačne obavezne instrukcije i provesti krivičnu istragu i gonjenje pred kantonalnim i općinskim sudovima, kad glavni tužilac Federacije opravdano vjeruje da Tužilaštvo nije primjenilo odredbe Krivičnog zakona Federacije ili da Tužilaštvo u svojoj nadležnosti ne može efikasno goniti lica za koja smatra da su počinili krivično djelo.
- (2) Glavni tužilac Federacije može prenijeti određene predmete ili mjere koje spadaju u nadležnost Tužilaštva na drugo tužilaštvo. Bez obzira na nadležnosti Tužilaštva, glavni tužilac Federacije može povjeriti i pojedinačne predmete glavnim tužiocima, zamjeniku, odnosno zamjenicima glavnog tužioca, tužiocu Federacije, odnosno tužiocima ili tužiocu odnosno tužiocima tužilaštva.

Član 19.

- (1) Glavni tužilac, odnosno zamjenik glavnog tužioca ili tužilac mogu se privremeno dodijeliti drugom tužilaštvu ili Tužilaštvu Federacije bez njegovog pristanka na period od najviše šest mjeseci u roku od pet godina.
- (2) Glavni tužilac Federacije donosi odluku o privremenom premještanju i o tome obavještava Visoko sudsko i tužilačko vijeće.
- (3) Glavni tužilac, zamjenik glavnog tužioca, odnosno tužilac koji je dodjeljen drugom tužilaštvu ili Tužilaštvu Federacije ima pravo na plaću, nadoknade i druga zakonom utvrđena primanja.

Član 20.

Pravo i dužnost glavnog tužioca je da izda obavezne instrukcije zamjenicima glavnog tužioca i tužiocima u vezi s njihovim radom.

Pored toga, glavni tužilac može:

- a. poduzeti određene mjere iz nadležnosti zamjenika glavnog tužioca, odnosno tužilaca, ili tužioca, odnosno tužilaca;
- b. ovlastiti drugog zamjenika, odnosno zamjenike glavnog tužioca ili tužioca, odnosno tužioce da procesuiraju određene slučajeve iz nadležnosti drugog, odnosno drugih zamjenika glavnog tužioca ili tužioca, odnosno tužilaca;
- c. ovlastiti zamjenika glavnog tužioca, odnosno zamjenike ili tužioca, odnosno tužioce da vrše posebne aktivnosti koje su u nadležnosti drugog, odnosno drugih zamjenika glavnog tužioca ili drugog tužioca, odnosno tužilaca.

Član 21.

- (1) U smislu ovog zakona, obavezne radne instrukcije znače instrukcije opće prirode vezane za rad i aktivnosti zamjenika glavnog tužioca i tužilaca, kao i instrukcije za preduzimanje mjera u određenim slučajevima.
- (2) Glavni tužilac izdaje obavezne radne instrukcije opće prirode u skladu sa Pravilnikom.

III. ORGANIZACIJA I RAD

Član 22.

- (1) Tužilaštvo se uspostavlja sa jurisdikcijom za cijelu teritoriju Kantona.
- (2) Na prijedlog glavnog tužioca i nakon što sasluša glavnog tužioca Federacije i Vladu Kantona, Visoko sudsko i tužilačko vijeće odlučuje o uspostavljanju ili prestanku rada područnih tužilaštava Tužilaštva u općinama Kantona. Područna tužilaštva se mogu otvoriti samo ukoliko postoji hitna i neophodna potreba za takvim područnim tužilaštvom.
- (3) Kantonalna tužilaštva i područna tužilaštva predstavljaju jedinstveno organizaciono tijelo. Područna tužilaštva se uspostavljaju kako bi se zagarantirala efikasnost predmetnog postupka.

Član 23.

U ispunjavanju svoje funkcije, Tužilaštvo učestvuje u postupcima pred Kantonalnim i općinskim sudovima Kantona.

Član 24.

Sjedište tužilaštva se nalazi u Tuzli.

Član 25.

Kada je glavni tužilac odsutan ili sprječén, mijenjaga (prvi) zamjenik glavnog tužioca, a zatim zamjenik glavnog tužioca, ukoliko je isti imenovan. U slučaju kada je glavni tužilac i njegov zamjenik, odnosno zamjenici odsutni ili spriječeni, tužilac, koji ima najduže radno iskustvo, vrši funkciju privremenog glavnog tužioca. Ukoliko su glavni tužilac, i njegovi zamjenici odsutni ili spriječeni duže od jednog mjeseca, glavni tužilac Federacije određuje vršioca dužnosti glavnog tužioca, za period ne duži od šest mjeseci. Po isteku ovog perioda, glavni tužilac Federacije obavještava Visoko sudsko i tužilačko vijeće o upražnjenom mjestu u Tužilaštvu, koje potom može objaviti oglas za popunjavanje ovog radnog mjesta.

Član 26.

Glavni tužilac, zamjenici glavnog tužioca i tužiocci ne mogu biti pozvani na krivičnu ili građansko – pravnu odgovornost ni za jedno djelo učinjeno tokom obavljanja svojih službenih dužnosti.

Član 27.

- (1) Kanton odgovara za štetu koju glavni tužilac, zamjenici glavnog tužioca ili tužiocci nanesu građaninu ili pravnom licu tokom obavljanja svojih dužnosti nepropisanim ili nezakonitim radom.
- (2) Kanton može zahtjevati da glavni tužilac, zamjenici glavnog tužioca ili tužiocci vrše naknadu plaćenog iznosa za štetu samo ukoliko je šteta prouzrokovana namjerno ili iz krajnje nepažnje.
- (3) Zahtjev za naknadu štete iz stava 2. ovog člana zastarjeva u roku od šest mjeseci od dana prvobitno isplaćene naknade.

Član 28.

- (1) Na kraju svake budžetske godine, glavni tužilac izrađuje statički pregled svojih aktivnosti koje se odnose na:
 - a. neriješene i okončane predmete (opis krivičnog djela, datum kada je isto pićinjeno, ime, prezime i datum rođenja navodnog poćinioca, datum podnošenja),
 - b. broj primljenih predmeta tokom tekuće godine (vidi taćki a),
 - c. datum i vrstu konćane ili privremene odluke o tekućim predmetima u Tužilaštvu,
 - d. datum i vrstu konaćne ili privremene odluke o predmetima gdje je prihvaćena optužnica od strane suda ili gdje je donesena sudska presuda.
- (2) Na kraju svake budžetske godine, na osnovu statistićkog pregleda, glavni tužilac podnosi izvještaj kantonalnoj Skupštini. Glavni tužilac daje detaljan izvještaj o stanju kriminala u Kantonu i tokovima kriminala. Glavni tužilac mođe u svojim zaključcima dati prijedloge da se vrši reforma zakona. Predhodno pomenuti zaključci se objavljuju u medijima i drugim odgovarajućim forumima.
- (3) Glavni tužilac dostavlja glavnom tužiocu Federacije potrebne podatke u svrhe pomenute u ćlanu 28. stav 2. Zakona o Tužilaštvu Federacije.

IV. UNUTRAŠNJA ORGANIZACIJA TUŽILAŠTVA

Ćlan 29.

- (1) Postoji Pravilnik Tužilaštva, kojim se, inter alia, uređuje organizacija Tužilaštva, broj administrativno – tehnićkog osoblja, te uslovi za obavljanje tih poslova.
- (2) Pravilnik Tužilaštva donosi glavni tužilac, po odobrenju Kolegija tužilaca i Visokog sudskog i tužilaćkog vijeća.

Ćlan 30.

- (1) Glavni tužilac rukovodi Tužilaštvom. Glavni tužilac izdaje opće instrukcije tužilaćkim i administrativnim odjelima Tužilaštva u skladu sa Pravilnikom.ž
- (2) Na poćetku svake godine, glavni tužilac donosi Opći plan za distribuciju predmeta, te za administrativna pitanja. U vezi sa distribuciom predmeta, Opći plan mora odrediti objektivne kriterije prema kojima će se predmeti distribuirati. Opći plan se mođe izmijeniti ili dopuniti tokom godine ukoliko to bude potrebno zbog promjene u broju primljenih predmeta ili slićnih administrativnih pitanja ili drugih nepredviđenih okolnosti.

Ćlan 31.

- (1) Tužilaštvo ima arhivera kojeg imenuje Kolegij tužilaca. Tužilaštvo ima i drugo osoblje nadležno za strućne, administrativne i tehnićke poslove.
- (2) Arhivar pomađe glavnom tužiocu u obavljanju administrativnih poslova i izrade administrativnih dijela plana u skladu s ćlanom 30. stav 2. ovog zakona.
- (3) Poslove arhivera mođe obavljati osoba koja je diplomirani pravnik i ima najmanje dvije godine odgovarajućeg iskustva iz oblasti prava.
- (4) Arhivar pomađe glavnom tužiocu u pripremi i izvršavanju budžeta Tužilaštva.

Ćlan 32.

- (1) Tužilaštvo vodi evidenciju o predmetima. Kada Tužilaštvo zaprimi predmet, registrira ga navodeći, između ostalog, slijedeće podatke, ukoliko su mu oni poznati:
 - ime i prezime osobe protiv koje je podnijeta krivićna prijava,
 - drđavljanstvo osobe protiv koje je podnjeta krivićna prijava,
 - adresa osobe protiv koje je podnjeta krivićna prijava,
 - datum kada je poćinjeno krivićno dijelo,
 - pravni karakter krivićnog djela,
 - odgovarajuće odredbe Krivićnog zakona,
 - broj dosijea u Tužilaštvu,
 - dosije pod kojim je predmet zavela institucija za provedbu zakona,
 - datum uvođenja predmeta u evidenciju Tužilaštva.
- (2) Glavni tužilac donosi detaljnije propise o upravi u okviru Pravilnika, izraženom u saradnji s arhivarom, ukoliko ti propisi nisu donešeni u okviru općih upustava i plana distribucije.

Ćlan 33.

- (1) Drđavljanin Bosne i Hercegovine koji je diplomirani pravnik i koji ispunjava opće uvjete za zapošljavanje u organima vlasti mođe biti zaposlen kao pripravnik.
- (2) Pripravnici se zapošljavaju u Tužilaštvu i postepeno im se dodjeljuju sve vrste poslova kako bi stekli praktićna iskustva u svim oblastima rada Tužilaštva.
- (3) Pripravnici se upošljavaju na određeno vrijeme na period od najviše dvije godine.
- (4) Tokom dijela njihovog pripravnićkog stađa, pripravnici se upućuju na praktićan rad u općinske i kantonalne sudove.

- (5) Dužina trajanja praktičnog rada pripravnika, uslovi za sticanje prava na polaganje pravosudnog ispita, te program i način polaganja pravosudnog ispita regulišu se posebnim propisom.

Član 34.

Odredbe o posebnim propisima kojima se regulišu funkcije i dužnosti uposlenika u kantonalnim organima vlasti odnose se i na uposlenike u Tužilaštvu, osim ukoliko to nije drugačije utvrđeno ovim ili drugim zakonom.

V. FINANSIRANJE TUŽILAŠTVA

Član 35.

- (1) Tužilaštvo ima svoj budžet koji se sastavni dio Kantonalnog budžeta. Prije početka budžetske godine, glavni tužilac prezentira prijedlog budžeta Visokom sudskom i tužilačkom vijeću. Glavni tužilac ima pravo da brani prijedlog Visokog sudskog i tužilačkog vijeća i da prisustvuje sjednicama kantonalne Skupštine i njenih odgovarajućih komisija svaki put kad se na sjednicama razgovara ili odlučuje o budžetskim pitanjima koja se odnose na Tužilaštvo.
- (2) Glavni tužilac je, uz pomoć arhivara, nadležan za pripremanje i izvršenje budžeta.
- (3) Na kraju svake budžetske godine, glavni tužilac obavještava kantonalnu Skupštinu o izvršenju budžeta Tužilaštva.

VI. PRIJELAZNE I IZVRŠNE ODREDBE

Član 36.

- (1) Tužilaštvo se u skladu s ovim zakonom uspostavlja na dan koji odredi Visoko sudsko i tužilačko vijeće. Visoko sudsko i tužilačko vijeće objavljuje ovu odluku u «Službenim novinama Tuzlanskog kantona».
- (2) Na dan iz stava 1. ovog člana svi zakoni propisani koji se tužilačke funkcije na općinskom nivou smatrat će se tužilačkim funkcijama na kantonalnom nivou. Ukidaju se sve odredbe zakona Federacije ili njenih kantona koji su u suprotnosti s ovim zakonom.
- (3) Postojeći Zakon o tužilaštvu Tuzlanskog kantona («Službene novine Tuzlanskog kantona», broj 5/96) stavlja se van snage na dan iz stava 1. ovog člana.

Član 37.

- (1) Do donošenja propisa o internim aktivnostima Tužilaštva u skladu s ovim zakonom, primjenjuju se postojeći propisi o internim aktivnostima Tužilaštva, ukoliko ti propisi nisu u suprotnosti s ovim zakonom.

Član 38.

Glavni tužilac, zamjenici glavnog tužioca i tužioci imaju pravo na platu i druge naknade definirane zakonom.

Član 39.

- (1) Postojeće Kantonalno tužilaštvo i općinska tužilaštva Tuzlanskog kantona izvršit će prijenos imovine, predmeta iz njihove nadležnosti i arhiva na ovo Tužilaštvo na dan uspostave novog Tužilaštva u skladu s članom 36., stav 1. ovog zakona.
- (2) Prijenos imovine, predmeta i arhiva iz stava 1. ovog člana izvršit će postojeći kantonalni i općinski tužioci, koji će sačiniti službenu zabilješku o gore navedenom prijenosu.
- (3) Kopija službene zabilješke dostavlja se kantonalnom Ministarstvu pravde i novouspostavljenom Tužilaštvu.

Član 40.

Ovaj zakon stupa na snagu narednog dana od dana objavljivanja u «Službenim novinama Tuzlanskog kantona» a njime se potvrđuje Zakon o Kantonalnom tužilaštvu Tuzlanskog kantona, koji je Odlukom proglasio Visoki predstavnik za Bosnu i Hercegovinu («Službene novine Tuzlanskog kantona», broj 12/02).

